

G V I N E A.

5



Ars ista oræ Africa-
næ, quæ à promon-
torio, *Sierra Liones* di-
cto, ad usque pro-
montorium *de Lopo*
Gonsalves extenditur,
uno nomine *Guinea*
dicitur; dividiturque
in regiones & regna
varia, quæ à diversis

gentibus populisque tenentur, usque adeo ut
singulis pene decem aut duodecim milliaribus
nova occurreret alteriusque linguæ ac idiomatis
natio. Color omnibus Æthiopicus, hoc est, ni-
ger. Agriculturæ aliarumque artium mechani-
carum peritissimi sunt. Cymbulas mira solertia
fabricant ex solida trabe, similes pene Veneto-
rum, ut vocant, Gundalis, quibus mare conscen-
dere audent fluctibusque se exponere. Regio
Sierræ Lionæ usque ad promontorium *Cabo de*
Palmas, (vulgo *Costa de Moleguette* sive *Manigette*
nuncupatum, ob aromatis genus, quod fert, pi-
peri non absimile, saporisque acerrimi) pluribus
Regibus paret. *Sierram Lionam* inter & *C. Me-*
surado imperium tenet rex, circa promontorium
sive *Cabo Monte* habitans: rursum inter *Cabo Monte*
& fluvium sive *Rio de Cefes* alius rex loca tenet;
hinc vero usque ad *Cabo de Palmas* plures
alii occurrunt. Qui *Cabo Monte* & vicinas terras
tenet, ab indigenis *Vay* dictus, omnium est po-
tentissimus, & ad *Sierram Lionam* Vice-regem
& gubernatorem habet, qui superiori adhuc
domino mediterranea tenenti paret. Huic no-
men est regis *de Folbia*, qui mortuo rege, alium,
qui succedat, creat. Hic, uti & alii reges, alteri
superiori paret, quem *Manoe* vocant. Viri tot
sibi uxores adsciscunt, quot alendis pares sunt.
Rigidius eas habent, zelotypique sunt. Sex ut
plurimum menses continuos hic pluit, à medio
circiter mensis *Maji*, usque ad *Octobrem*; qua
pluvia fecundantur agri. reliquum anni seme-
stre mira decurrit serenitate. Vix tantum suffi-
cit oryza, quantum ad alimoniam satis est. cu-
jus ubi fecerunt messem, aroma istud, quod *Ma-*
niget vocant, terræ mandant, ita ut duplici quot-
annis messe beentur. Pecorum minor, ferarum
major hic est copia, uti & avium. Canes latra-
re nesciunt. simiarum & cercopithecorum vis
incredibilis, uti & bubalorum, tigris, & leo-
pardorum. porcorum hic videas genera duo:
crocodilos adhuc & testudines, quarum carni-
bus vescuntur. In sylvis elephanti oberrant,
quorum dentes pro mercimonio, carnes pro
alimento habent. Quidam hostium membris
pascuntur in vindictam. Animalia hic reperias,
Lusitanis Salvages nuncupata, quæ hominis effi-
Africa.

giem formamque referunt, indolis pravæ ac
callidæ. semihominis magnitudinem excedunt,
eiusque sunt audaciæ, ut se hominibus oppone-
re audeant, tantique roboris, ut virum proster-
nere valeant. Regio vinum de *Palma* fert, opti-
mum delicatissimumque, vicinorum vina boni-
tate longe exsuperans.

A promontorio *de Palmas*, Orientem versus
usque ad promontorium *Laboe*, plurimis in locis
elephantorum dentes aliis mercibus permutan-
tur. inde nomen ora ista à *Dentibus* habet.
Caudæ quoque elephantorum magno sunt in
precio, quibus ad bellum profecturi verticem
ornant, uti Germanorum gens plumarum fasci-
culis. Hinc ad usque promontorium *de tres pun-*
tas, terra omnis Ora de *Quaqua* dicitur, populi-
que *Quaquaes*. quia ad naves peregre adventan-
tes cymbulis suis navigaturi, *Qua qua* ingemina-
re solent, quibus verbis adventum advenis grā-
tulantur, insertis in aquam manibus, quam ex al-
to in oculos stillatim labi sinunt, atque hoc ritu
se bonæ fidei homines esse perhibent, ac fraudis
perfidiaque nescios. Ob mercantium raritatem
astutia & solertia aliis populis cedunt. Vestes è
gossipio contextunt, quæ hinc versus oras auri-
feras veſtantur.

Littus à *Cap de tres puntas*, usque ad fluvium de
Benin, sive *Rio de Lagos*, ora aurifera appellatur,
quia auri est feracissima, omnesque merces, quæ
aliunde adferuntur, auro hic permutantur.
Centum retro annis arcem hic exstruxerunt
Lusitani, xviij à promontorio trium pun-
tarum milliaribus, Orientem versus, cui nomen
S. Georgii de Mina. cujus arcis præsidio indigenas
vicinos in ordinem coegerunt, magnosque quæ-
stus fecerunt, qui, postquam hæc loca Galli fre-
quentare cœperunt, minores fuerunt, vix ullius
jam sunt momenti, adeuntibus jam hæc littora
Batavis, qui non longè à priore *Lusitanorum*
arce arcem quoque exstruxere validam muni-
tissimamque, quam *Nassoviam* appellant. Hac
freti indigenæ, nostrisque præsidis animosiores
Lusitanorum fastum imperiaque flocci faciunt,
paucis exceptis, quibus propius imperant. Loca
præcipua hujus oræ sunt: *Atsyn* ad Occidentale
latus prom. *de tres puntas*. Ante *Comenda*, quæ *Lusi-*
tanis parent, nec non arx prædicta *Mina*, uti &
Mouree, quæ regem de *Sabou* agnoscit, ubi arx
Nassovica est, *Cormentyn*, *Berlin*, *Achara*, & *Curco*.
Elephanti hic nulli sunt, sed cabritæ, vaccæ, cer-
vi, hinnuli, gallinæ, feles zibethicæ, quæ illic ob
zibethum aluntur vendunturque: apes etiam,
quæ in arborum cavitatibus mellificant. Ory-
zam non fert, sed milium, quod lapide commi-
nuunt in pulvèrem, unde panes pinsunt. Luxu-
riant hic cannæ saccharicæ, *Baimanes*, *Anamassen*,
E Patattes,

Promon-
torium de
Palmas.

Promon-
torium de tres
puntas.

A promon-
torio de tres
puntas us-
que ad Rio
de Lagos.

Mina arx.

Arx Nas-
sovica.

Populi in-
doles.

Reges.

Solitudines.

Animalia.